

Kinder Chronica. C. VI. CCXXIII.

Gad etc. sons Jesifai / des sons Jahdo / des sons Bus. Abi der son Abdiel / des sons Gu
ni war ein Oberster im hause jrer Väter / vnd woneten zu Gilead in Basan / vnd
in jren Töchtern / vnd in allen vorstedten Saron bis an jr ende. Diese wurden
Jotham alle gerechnet zur zeit Jotham des Königs Juda vnd Jerobeam des Königes
Israel.

Die Kinder Ruben / der Gadditer / vnd des halben stams Manasse / was
streitbar Menner waren / die Schild vnd Schwert führen / vnd Begen span
nen kundten / vnd streitkündig waren / der war vier vnd vierzig tausent vnd
sieben hundert vnd sechzig / die ins Heer zogen. Vnd da sie stritten mit den Ha
garitern / hulffen jnen Jetur / Naphes vnd Nodab / vnd die Hagariter wurden
gegeben in jre hende / vnd alles das mit jnen war / Denn sie schrien zu Gott im
streit / vnd er lies sich erbitten / denn sie vertraweten jm. Vnd sie füreten weg /
jr Vieh / fünff tausent Camel / zwey hundert vnd fünffzig tausent Schaf / zwey
tausent Esel / vnd hundert tausent Menschen seelen / Denn es fielen viel ver
wundten / denn der streit war von Gott. Vnd sie woneten an jrer stat bis zur
zeit / da sie ^a gefangen wurden.

(Erbitten)
Sibe / wie der
glaube alles ver
mag / wie Chris
tus spricht.

Temlich durch
Salmanesser.
Halbe stam
Manasse.

Die Kinder aber des halben stams Manasse woneten im Lande / von Ba
san an bis gen Baal Hermon vnd Senir / vnd den berg Hermon / vnd
jr war viel. Vnd diese waren die Heubter des hauses jrer Väter / Ephraim /
Jessei / Eliel / Asriel / Jeremia / Hodawia / Jahdiel / gewaltige redliche Menner
vnd berühmte Heubter im haus jrer Väter. Vnd da sie sich an dem Gott jrer
Väter versündigten / vnd hureten den Götzen nach der Völker im Lande / die
Gott für jnen vertilget hatte / erweckt der Gott Israel den geist Phul des Königs
von Assyrien / vnd den geist Thiglath Pilnesser des Königs von Assyrien / vnd
fürer weg die Rubeniten / Gadditen / vnd den halban stam Manasse / Vnd
bracht sie gen Halah vnd Habor vnd Hara / vnd ans wasser Gosan / bis auff
diesen tag.

Phul
Eglaiphil
nesser.
4. Reg. 15

Rubeniter
Gadditer vnd der
halbe stam Mana
sse in Assyrien weg
gefurr. ec.

VII.

Die Kinder Leui waren Gerson / Kahath / vnd Merari. Die Kinder
aber Kahath waren / Amram / Jezechar / Hebron vnd Osiel. Die
Kinder Amram waren / Aaron / Mose vnd Mirjam.

Kinder
Leui.

Die Kinder Aaron waren / Nadab / Abihu / Eleaser vnd Jtha
mar. Eleaser zeuget Pinehas. Pinehas zeuget Abisua. Abisua zeu
get Buki. Buki zeuget Osi. Osi zeuget Seraja. Seraja zeuget Merajoth. Me
rajoth zeuget Amarja. Amarja zeuget Abitob. Abitob zeuget Sadok. Sadok
zeuget Ahimaaz. Ahimaaz zeuget Asarja. Asarja zeuget Johanan. Johanan
zeuget Asarja / den / der Priester war im Hause das Salomo bauete zu Jerusa
lem. Asarja zeuget Amarja. Amarja zeuget Abitob. Abitob zeuget Sadok. Sadok
zeuget Sallum. Sallum zeuget Hilkija. Hilkija zeuget Asarja. Asarja zeuget
Seraja. Seraja zeuget Jozadak. Jozadak aber ward mit weggeführt / da der
König Juda vnd Jerusalem durch Nebucadnezar lies gefangen wegführen.

Kinder
Aaron.
Eleasar.
Asarja.
Jozadak.

Gen. 46.
Inf. 23.

Exod. 6.

So sind nu die Kinder Leui diese / Gerson / Kahath / Merari. So heis
sen aber die Kinder Gerson / Libni vnd Simej. Aber die Kinder Kahath heissen /
Amram / Jezechar / Hebron vnd Osiel. Die Kinder Merari heissen / Naheli vnd
Musi.

Das sind die geschlechter der Leuiten vnter jren Vatern. Gersoms son
war Libni / des son war Jahath / des son war Sima / des son war Joah / des
son war Jodo / des son war Serah / des son war Jeathrai. Kahaths son aber
war Amminadab / des son war Korah / des son war Assir / des son war Elkana
na / des son war Abi Assaph / des son war Assir / des son war Thahath / des son
war Oriel / des son war Osija / des son war Saul.

Die Kinder Elkana waren Amasai vnd Ahimoth / des son war Elkana /
des son war Elkana von Soph / des son war Nahath / des son war Elijab / des
son war